

中國邊疆史志集成

內蒙古史志

50



中國邊疆史志集成

內蒙古史志
50

全國圖書館文獻
縮微復制中心

熱河志

欽定熱河志卷一百七

藝文一

志乘載藝文文獻並徵之義也熱河自

聖祖仁皇帝肇啓

山莊文物聲明燦然大備我

皇上每歲駐蹕

奎藻日新

大文炳耀

臣

等於卷首恭列

天章用昭弁冕至於木蘭秋獮

命諸

皇子隨侍

行圍習勞肄武之餘兼攻文藝所著闕鹿賦諸篇選義考辭稟承
聖製而諸臣扈從廣賜潤色

儀容流連景物皆得仰邀

睿覽雖摹繪

日月無當萬一而珥筆之榮於斯爲盛謹以次採錄登諸簡末其前
代著作流傳蓋寡茲蒐討史乘參以碑碣略分門類各依時世
著於篇志藝文第二十四

本朝

賦

鬪鹿賦

皇四子永城

時維八月序值三秋暑退

仙莊屆白露而光看湛湛涼生靈囿警蒼鹿而聲聽呦呦隔蘭坂兮
烟迷有呼必應下松岡兮雲羃獨往何求牝牡交馳應各尋其匹偶
氣機相感乃竟視若仇讐嚮分類而異游茲隔羣而互哨欲諧伉儷
因先致其聲聞將效綢繆冀共遵其號召勢雖並立何妨賈勇以憑

陵情在必爭豈故恃強而攻剽突如以決勝負大似雙雄居然若保
室家殊堪一笑于是或深藏夫蒙翳或高據夫嶮巖豪放相誇常奮
發而攘彼肆行自快遍籠絡以私其豎利角以難撓意誠有待挺強
項而易怒志在無遺以逸待勞恐四方之尙多窺伺以寡敵衆嗟一
戰之未定安危始跂跂兮疾趨復蹙蹙兮小住蓄威未逞奚殊磨厲
以須銳志方輟反覺從容以素當羸鼻而似嘯千山遙落腥風及瞋
目而前迎萬樹橫披薄霧計惟事夫并兼義不容夫返顧及其忽焉
相遇焉若驚如觸如蠻有洶洶難安之象患得患失存多多益善
之情毛戟張而蜩磔聲雷搏而風鳴乍竦體而若矜銛鋒互抵遂舉
頭而弗讓鉞刃交撐慣角勝以爭雄務當衝而挫敵養茸日久又逢
技癢之秋孳尾則臨轉奏戎倚之方掩羣而多獲得朋自樂崇林
或羸角而紛逃走險寧辭峭壁縱未若抵觸之入爰又何事雞鬪之
須檄也哉迺知嗜慾之性常開爭奪之端念蟋蟀之鳴階每有心於

爭長睹螳螂之怒轍還無故而自殘況大欲之所存寧辭較力抑微情之攸託詎肯懷安恐覆蕉之夢醒虞擇音之情園今者寄跡丹邱呼羣翠巘知時慕侶咸濯濯以懷

仁應候尋媒或儻儻而近

輦惟我

皇父天毫體物開萬象於鴻濛

睿藻窮形識百昌之流衍謹拜手而獻賦敢詡潘安仁射雉之篇雖援筆以陳詞毋忘楊執戟雕蟲之辯

鬪鹿賦

皇六子永琰

維鬻鬻之角獸實充牣於

梁騶有食苹之至樂無翳叢之遠憂以雌以雄既招徠乎儕伍或羣或友更攘敝夫匹儔是有爭心頗異巨蛩之救居然雄長要非蠻觸之讐繫夫茸以陰萌蛻因夏革枝格則銳可觸林末豐則堅能礪石

雖走險而不辭將忿爭而何惜故解角孕魔之候類自相依而羣聲
孳尾之時猜還生隙時則氣清榆塞景霽

雲莊露初溥兮湛玉風頻爽兮吹商長楸蕭颯以寫籟秋英薜靡以
霏香當馬騰弓勁之時彼伎伎者豈遑假息非豺祭鷹征之比即甞
甞也亦逞強梁聲氣兮相應材力兮相量入山徑之崎嶇何殊伏莽
踞密林之灌翳宛作爭場則見夫屹兩敵以爭前轟八叉以相接試
焉而近陡覺矜豪突如其來何煩用謀氣全憑於一擊齒即刀鉞弊
奚待於投戈角當矛鋏偶然小挫勢益倍其崢嶸豈有中休勇猶賈
其敏捷維沓平陵之坂棲雀驚巢摧藏幽蔚之墟喬林振葉殆勝負
其將分乃踉蹌而少荅蓋其始也恃磨厲之孤傑其繼也收衆夥之
羣雌羌勝一而獲百即奪彼而益茲並無勞乎誘致徑自快乎取攜
獲地應機洵有擅場之樂倏來忽往竟同掉鞅之奇彼夫鵲喜爭巢
雞瞋伏穀鶉鷃奪粟竦翼曾聞蟋蟀占窩先登罕覩青林以擊場爲

戲尙借驍媒野人以由鹿爲長猶須設覆孰若此之不傷類以附人
非發蹤而勇鬪思決勝以爭雄恥狐疑而撓逗宜乎秉靈氣於瑤光
樂蕃孳於

文囿也況夫棲遲芝徑飯啄蘭除友綺階之馴鶴偕銀沼之游魚當
山輝川媚之辰殊看景洽沉松翠楓香之頃彌覺情舒閱天上之春
秋助風光於

閬苑游壺中之日月邀

顧盼於仙居

皇父乃揆天章博物趣暢

冲襟拂毫素哨以類其情見人事之化裁鬪自率其性觀天機之呈
露無論爲靈爲蠢總原亭毒無私比諸能躍能飛略備

燕閒一顧

子臣

欣叨

扈從私摹繪於

前篇敬捧

瑤章增誦讀於

今賦

鬪鹿賦

皇八子永璇

有鹿砦逸民過龍沙田父而問曰於鑠哉吾

皇之允文允武也懿時巡以獮田兮率

武烈而由舊閱

萬幾之少閒兮灑

天藻以立就蓋

覽夫甡甡者求牡而嘯羣跂跂焉游牝而競鬪其結耦而行也恣寢
訛以娛嬉其作氣而前也奮犄角以用救事擬于爭雄勢儕夫禦寇
如是者罔山虞之未及詳而實圖經之未嘗究者也予盍爲我言之
田父曰諾若夫金序初殷乎八月兮秋蒐聿邁乎三田般乎總總兮

將踐于木蘭之囿休乎喬喬兮早駐于

仙苑之巔歷垂屣兮神臯岵岵之控南樓西省也

熱河古興州本唐奚王西省地又遼

之南樓亦在州北境

叢林淑兮鬱林穹邃之蕃平仲君遷也其畜則麋鹿麋麋

麋麋麋攸伏礪阿咸若來前速者超軼躡者廻旋乃或羣或友孳尾而安焉于是屏玉仗披靈境瞻儻俟之在林兮

乘吉驄而度嶺乍呦鳴而求其友聲兮爰厲響而改其寧靜豪奪者逞兼并之雄兮覬覦者昧強弱之等急走險以逐逐兮勢相陵而不相並故其拘怒也氣迅厲以撼叢薄其觸鬪也聲猛獷而激寒颼其甘心于折衝也何憂乎重耳之伏監其腦其致命于春戈也何慮乎僑如之軾見夫眉挺角父兮無前之迎去聲慣齧齟齬兮無後之隨一

俯一仰兮觚隙而動一縱一橫兮兼弱以欺已跋前而躓後猶中乾而外強惟其懷失儷之是恥喜得偶之有光故廼枝格撞捩繚緌振突以蹂躪乎町疃之場方且厲飽也噬于虎搏逞疾擊于鷹揚夫何

鬚鬚之既羸而壯往不已也何倔𦍋𦍋終昔而踣復張也何酣爽傑黠而柔敵剛也彼鹿之鬪也如是是其𦍋也有由其𦍋也自作徒爲決失得于么麼而豈知虞人之不能暫忘也哉二老既退于是臣永璵跪而稱曰憶往年之從狩幸長哨之稍知獲伊尼以恭

進向

穹廬而敬持

去年扈于僧機圖

駕木蘭子臣

永璵獲一鹿恭進

茲

林中之鬪獸愧物象之

未窺有機斯應莫適而爲行遇羆劉之候聿符驚擊之期審化樞之

變協驗角力之差池仰繹

容裁于茂育豈惟旁暨于鹿斯

鬪鹿賦

皇十一子永璵

援神經以體物驗金方之瑞獸文斑斑以素綦質皎皎以緇紉蹄四踣而交蹤角雙岐而戴𦍋狎挺龍于中林散瑤光于崇岫探仙蒲而向溫結遐齡而游囿稟馴性而無猜紛和聲而相就感清商之激揚

始求塵而肆闕於時蕭蕭漠野寥寥素旻寒風書厲白露宵淪上蘭
 結凍榆塞澄氛貔虎闕其攫搏鷃鷃迅其騰騫同摯猛于秋肅變和
 樂于春溫矧慶塵之感氣豈羣友而引馴邂逅乎林麓衝突乎陵原
 其始也據蒼巖而牝聚倡長哨而情通恃強梁而挾耦恥矍索而無
 從既矜多而妬衆又攘敵以興戎其繼也捷蹄文赴挺角相攻剡戈
 轟項堅鉞剗胃漲雄心而獨進鋌猛力而奚容蔑情親于舊侶銳紆
 昔于新茸則有莽莽奔驅囂囂震駭或憑怒而無前或蓄威而有待
 或側勢而偏乘或迂途而巧給或驟捷而心驕或小挫而氣倍傑僂
 營厲趨趺跨轆轤趨趙布獲蹢躅何竭何盈甚矣其憊軒蜂轅谷
 響撼崖嶠翬舩橫縱震雷揮霍鳥讐休巢狸惕屏壑于是漼濯濯折
 嶽嶽跂足蹙斑毛剝戰勝者昂藏亡羣者落漠填餘勇而未休振威
 稜而復作天地綢繆萬物化醇凡所有血氣皆有爭心有觸藩之柔
 毳與莽羽之翰因苟婚媾而非寇何干戈而日尋衍彼徐女之歸楚

又夏媿之適申儼烝人而尙門孰品物而能任諒同求而異志亦何惑乎紛紜

聖王乃建鳳旆鳴龍騶觀畬廣野講武涼秋發軔于薊北弭節于興州睇中原之屢屢盼閒館之呦呦慨羣倫之險走閔人類之陰謀研瑰形以精繹揚麗藻以冥搜偉休符而肆應綜大化而咸周

鬪鹿賦

皇十二子永璫

伊沆瀣之初寒喜新秋之巒岫

聖德日躋被勳華于文章

仁恩天包逮草木與禽獸塞山含崩另林木標錦繡呦呦鳴哨互爭牝而決豪強麇麇伊尼占高岡而逞狠門懿此靈禽遊於

文囿丹楓之嘯兮護茲草雌白雲之隈兮功歸獨參絕有力者爭之益多弱無能者失其所守因離反合與接爲構題相抵兮山頽支相交兮輻輳或覓於邱陵或聚於林樹將寵所有於幽巖乃併其力於

孤嶼抵其角兮八叉蓋所爭兮一侶於是節屆中秋始就嚶咿聳查
了之角占孳尾之時決其勝負恃其拄搯爲所敗者是走擇所勝者
是隨如爭穴之絡緯同爭啄之雄雞孳甡甡之子走攸攸之麋緬生
機之勃發合天地之端倪

夜亮木賦

朱彝尊

皇帝避暑於興州時維昭陽大淵獻之秋尋捺鉢之舊蹟啓悵殿於
仙陬六屯內肅千廬外周雲容容兮四合水泱泱兮交流風颯颯兮
徐來雨霏霏兮乍收爰有物焉星芒遙逗明滅露螢之尾吐吞火雞
之味謂野燒而不延疑神燈而未輟乃命僉騎即而視之是爲龐木
有枿無枝黝同桴炭澁若榴皮如塲之轉碌碌如絳之拽豐碑載以
堅車駕之健犢入重關度平谷選郢匠以運斤俾奄人以司局舍科
上槁存堅多心近

天顏兮咫尺位祕宇之崇深鑽不勞兮司燿燎無灼兮烘燂等璧夜

光類珠宵映方角枕而輝盈比風簾而神定四照儼若木之華六官擬賓連之慶豈非

聖德之咸臨固無遠而弗鏡宜神珍之畢效雖枯木朽株亦疇德而瑞

聖

嘉禾賦

并序

王之樞

康熙三十有一年

皇上省方古北口外繼輿所過百穀蕃殖中有嘉禾叢生一莖數穗實穎實栗聯疇被畝爰

命驛致闕下昭示羣工臣伏念書傳所記惟德動天苟

聖德淵粹通於神明豈能使日星霜露之精暢被草木以成奇瑞矧茲粒食烝民所天非若蕙蒲蓂莢朱草華平徒稱瓊瑋蓋天所以慰聖人之憂勤而垂恩儲祉也臣昧學少文詎克美

盛德之形容揚英聲以騰茂實徒以躬逢盛事願效衢歌亦猶測量

天地繪畫日月云爾謹拜手稽首賦曰

維我

后之神靈實超邁於古先心直仁以濺義躬闡坤而握乾烈厯鴻以
巍峻恩布濩而綿連膏潤滋乎后土協氣奮於河山無一夫之失所
暨萬物而皆然和三靈與百福暢九垓與八埏以

宵旰之靡寧思民隱之弗宣藉

省方以爲觀遂時行而應天當秋氣之清朗披金風之淅瀝輾碧草
之萋萋閱丹楓之歷歷望關雲之曉舒聽河流之夜激澤馬鑣連山
車轂擊旄建雄虹旂橫雌霓飛芝蓋於隰原轉風烏於亭壁道穰隴
以停驂聞豳歌而控勒澗複林長阡紆陌逖陞疆刻鏤菽荏縷績風
布葉以離披露垂條而涓滴則有嘉禾呈異侍從傳譚挺生上腴族
類奇葩每一莖而數穎蓋本合而歧斜根密蒙以攢立枝重疊而交